

張文定公四友亭集

蓑時蔗我藝我穫孰知其勞

彼有田矣榛蕪盈只我于田矣黍稷馨只於穆清廟觀  
粢明只我田我詒百世耕只

心田三章一章四句二章章八句

雲庄

壽王母  
左氏

雲庄王生師觀尊人彌也師觀游學京師以其母左  
明年四月晦八旬生旦將歸祝壽乞言於予廼作詩  
曰

雲庄何有有圖有書有範有規式于鄉閭何以致之內  
壺是胥胥教胥誨慶廼有餘

雲之興矣自彼中谷家之昌矣內壺是鼎如松如栢如  
金如玉式穀爾子以昌百祿

彼汶之水其流汨汨泚人在堂其音秩秩錫福者天我  
基宥密年耄彌智以求終吉

四月維夏卉木其煥言逢泚人設悅之旦我作我詩燁  
如珠貫誰其將之其子師觀

雲庄四章章八句

鴈山

送陳省齋少司  
寇還鴈宕

鴈山蒼蒼在淞之陰君子言邁鴈亦于南將翔將翔孔  
遂厥心

鴈山蒼蒼在浙之背鴈之來斯君子于會願言同游與  
子卒歲

巍巍鴈山在彼南服侃侃君子聞于四國泝問無寃秉  
躬正直高飛冥冥孰繫其翻

鴻鴈于飛維其時矣君子言還若與期矣名山有阿叅  
離離矣墮亦何傷樂予邈之肥矣

鴈山四章二章章六句二章章八句

君子揚揚

逸正龍湫大  
理歸瀘淵

君子揚揚生此剡方秉心不回奕奕令望言還言歸我  
心則傷

沔彼灤水莊生綸只吁嗟生兮達天人只蛇蛇願言萬  
古縉只惠施逝矣孰知其人只

龍歸于湫江漢其夜鷗鵠載鳴百卉既謝人之爲言良  
士咄嗒猗歟良士勿怨勿嗟我心不瑕人言則那  
龍歸于湫言屯其膏雲霓不興烝徒求鬻嚙嚙鳴鴈冥  
凌既泮有躍在淵霖雨溱溱屈信以時物我維半

君子揚揚四章一章六句一章八句二章章  
十句

岑樓

奕奕岑樓在彼靈岩靈岩中厓婺彩是銜中土是瞻雲

震鷩雀幡幢毳毼以赫厥靈碩人廼生佐時中興樓廼  
用成 天子錫名

奕奕岑樓在彼溪澣錫之嘉名自 天子所 天子鮮  
我百務闡我寵澤展我於皇山川岑樓言言何以藏之  
玉簡雲編鳳織鸞牋

奕奕岑樓太宰是躋厥動巍巍君子所依小人所腓嶺  
海之遙達于中朝其心孔壹是以有述

天子曰勤載錫之文載昭之恩匪恩則昭維以報勞

奕奕岑樓石耳其偕赫赫越王六州是懷裔孫式承爲  
天子冢卿四海是經百辟是程

天子曰貞展也股肱錫賚繩繩恩斯昭斯彰子之勞斯  
岑樓四章二章章十二句一章十四句一章  
十三句

鏐鄣

鏐萬氏四  
忠三節

鏐鄣之山維石稜稜濠水是源石梁是橫廼產忠貞

帝王漢侯在

非是繼奮武不遑手提天綱示我民常不顯其光

顯允忠烈垂于孫子珠貫璧連粵四世咸似以丕振厥

聲以求昌厥社

繫男子之剛曰維其常懿彼內範而稜稜冰霜婦姑三

世烈烈其芳于彼鍾離四明之陽於休不忘

於昭天性維吾人兮孰克全之弗私其身兮維萬之先  
秉德純兮外內維一繩繩其仁兮滙德于後勲名日新  
兮

鏤鄒五章一章五句二章章六句一章九句  
一章十句

燕山

送屠白石之官  
南京宗人府

燕山蒼蒼流水湯湯鳴鶴在陰清酒在觴君子于邁我  
心悲傷

誦子詩矣燁燁其文見子心矣肫肫其仁神秘之云孰



知其珍

瞻彼四明丹山輝輝梧桐萋萋鳳凰于飛載飛載止其  
光陸離

瞻彼鍾陵其峰業業

太祖肇基煌煌厥業本支百世言觀  
王牒

燕山四章章六句

河流

送丘季章  
省父朝城

渙渙河流兮游子何之英英白雲兮南北交馳顧瞻在  
山兮流盼鄮水孰知我心兮晨昏萬里

陟彼燕臺兮楊柳依依春日載陽兮倉庚于飛妻孥千

桂洲

壽桂翁閣老  
六旬初度

馥馥桂洲薌溪縈之興雲淒淒霈于四陲四陲既治旣  
懌旣夷遙遙傳巖此維與偕

奕奕象峰有堂有廉鍾靈毓秀爲時具瞻具瞻維何在  
天子之所敷賁于下萬方是怙

其怙維何孔榮且殷今弗維反曷悔不勤一日二日其  
來紛紜出之幾微達于無垠

達于無垠泂泂太猷孰與圖之宣哲是求公色溫溫公  
心休休邈矣海宇容之若優

絡繹彼中使于門于庭繽紛御墨度閣旣盈公或在告

帝心恆營手製以賜桂朮參苓

島夷叵測柄幾自公曰險而近于國盡控以元戎謀之  
未庸淮海涵涵謀之既庸敷同奏功

不勞而成哲人攸營游移相度以緯以經青羊既平大  
同底寧交南組頸曾不煩兵

四方來同綏惟文德萬神既秩兆民允殖顯忠遂良掃  
蕩陰慝以長我

皇國瞻哉柱石

維此柱石屹其不搖繫我人斯亦孔之牢民之懷矣式  
歌且謠天之命矣永言惠徽

相古先民德厚流光象峰之峨桂水洋洋民之懷矣厥澤之滂澤之滂矣子姓之昌

桂洲十章章八句

胡朝

送王德衛之沁州別號端溪其先翁嘗知沁州

胡朝徘徊夕展轉兮有美一人我心願兮願言不獲倏而遠兮

維沁之水漪其淪兮之子之遠俾我瘠兮

維沁之水先公之澤之子之遠沁民則懌

胡朝三章一章六句二章章四句

彰孝

爲楚王驥

猗歟 皇祖允維孝思祿養弗追夢想見之羽孚興感  
泣涕以悲翼翼宗藩振振麟趾克孝克敬式彰厥美  
親之方危求以身代願言不獲悲號弗怠寤寐憂思如  
聞歎懷杯圈弗飲手澤空在猗嗟孝誠格于真宰  
格于真宰凍雨其晴聞于

明庭彰孝是旌厥孝既彰今聞爲教凡此荆民是則是  
效先民有言宗族稱孝於赫 王聲

天子之詔

彰孝三章二章章十句一章十二句

華萼

爲甘几山工侍  
乃兄金山翁賦

鬱其芬矣華萼之峰睟其德矣君子之容弗私厥躬弗  
簡厥宗維恩禮是崇福祿于同

綿其延矣華萼之泉曠其邈矣君子之田是畎是畝是  
苗是秀以和我百口福祿是囿

華萼之樓輝輝岷峨君子于歸孝友是歌垂作共工  
堯心載喜於赫寵光賁于兄弟

華萼三章章八句內江有華萼山華萼泉其  
上有樓甘內江族也故以

名篇

天南為廖學士鳴吾父封  
君璽特恩並壽

天南何有有山巍巍紫蓋若浮朱陵輝輝君子于仕慨

其有違爰諗予好掛冠以歸雖晦厥跡其光陸離  
天南何有有山幽幽荆泉悠悠五洪若此君子偕老懿  
慈徽柔以蒸以嘗以葛以裘不違不愆以昌厥後  
厥後維何桓圭十二哲而長者時維學士學士溫溫碩  
經及史華國有文以媚

天子

翊十二子學  
士其一也

天子曰咨山川之珍龍章鳳織以錫其親親方並耄渥  
顏如膏於皇天南山山川有耀

天南四章二章章十句二章章八句

松臯

爲詩憲  
長賦

瞻彼松臯兮蔚其喬矣百爾遭矣無撓爾標矣火旻煽  
飈野蕭條矣野蕭條矣不如子之操矣

瞻彼松臯兮黜其質矣清陰貫敷歲其如日矣有濃者  
華儵其訖矣儵其訖矣不如子之壹矣

瞻彼松臯兮熒其青矣巍巍東厓夙鍾爾靈矣有蕃卉  
木飄其零矣飄其零矣不如子之承矣

松臯三章章八句

紀夢

丙子正月二十四日子刻舟將發岳陽城陵磯夢或  
書韻語十六言張於予家之堂壁既覺止記其後二



句云維人近天維天近德因復補前二句以紀之用  
時自警云

人心至靈天命孔赫維人近天維天近德  
天人一也不必言近夢中所見今故仍之然近猶親  
也書曰皇天無親克敬惟親

江南萬王圖

長空沈寥曠陸無色夜如何其孔靚幽默瑤臺忽啓萬  
王其輝鵬鵬不鳴天心可窺予騎白雀向風孤飛庖羲  
顧咲言執其衣

日本扇有畫孤草生大水中者

湯湯洪流毓彼孤卉彼纖以微洪流毓止喻彼椎髻在  
日之東有拳島嶼大海之中維海有波際天之大喻我  
聖澤涵育無外

莫庭

石崖之尊人豫翁方伯嘗書莫交無益之  
友莫作非義之事兩言爲訓石崖所至名

莫庭以  
識

瞻彼莫庭兮庭宇覃止夙夜訓言兮訓亦嚴止我衣之  
華兮我佩之光莫我瑕尤兮維訓不忘言藝其荃兮九  
十其畦神交四國兮曰維莫庭之思

龍樓獻績

爲提舉  
陳君賦

龍樓巍巍照臨四國爰有遠臣越自荒服獻厥攸爲以

修爾職曰維我

皇如天之澤五載之間兩來夷舶夷舶如山有金如錫  
有驪有皇有矛有戟臣閱以供器用服食

帝德實來臣敢言績

帝聞曰咨汝志之邁罔休于中罔誘于外綏予遠人時  
勞時來予維汝嘉丕悅工載亦欲汝遷疇其汝代汝聞  
孔良汝年天不寵榮有時往哉毋怠

林石厓大理先菊節生彌先菊以卷索題

瞻彼菊節葉青黃霜慄矣粲粲其英匪蘭匪蕙莫  
之與下有斐君子式之以生孔靜幽默揚輝庚庚視菊

維何展也其兄

輓海虞令王君

琴川悠悠廕彼崇兮我懷伊人儵其亡兮夜臺窈窈莫  
復旦兮海虞之民嘒其歎兮遺澤未斬委厥胤兮九苞  
翩躚翔千仞兮噦噦其聲衆所聞兮誰則成之吁嗟侯  
君兮

過臨湘

左顧蒲圻右瞻臨湘潺潺溪流兩封之疆原隰蕭條落  
日載黃草屋無隣居民竄亡咄咄傷懷企彼賢良湯湯  
河流頽瀾載狂焉得君子與之同航

張文定公四友事集卷之二

張文定公四友亭集卷之三

五言古體 一百一十七首

感遇

正德戊辰作  
十一首

金天流大火曠野彌悲風絡緯終夕鳴誰辦卒歲工凄  
凄坐未夜絺綌猶在躬陽春知尚遠感歎將焉窮

金堤墮梧葉玉瑄飛葭灰一氣盡萬物凋傷此其階豈  
不懷陽春天道屬變衰烈哉魯陽公揮戈令日回

西瞻固陵道上有虞姬草昔之拔山雄於此傷傾倒英

雄不恃力力窮誰爲保覆轍遞相尋終誰悟天道時劉

威阻之者勢相  
制氣燭熏灼焉

爲學先格物格物斯致知奈何今之人舉目紛相疑天  
人有感通古今有興衰欲語不可言人當自得之

至道微寄壤君子慎細微青青椅桐樹斧斤在一揮風  
霜歲時改雨露日夜肥滋長殊未覺忽焉成十圍

我昔見媼人婉孌容色好胎我璵璠玉鉤願言佩終老我  
來既已晚美人逝不返薄帷明月夜使我心悽惋芳蘭  
何萎裂采之將遺誰感彼媼人贈嘶恩空淚垂

登第三  
月孝皇

賓天  
哀哉

高樓有佳人珠鈿錦鞶纓侵晨照曉粧玉貌何盈盈我  
欲往從之修容迨芳齡路近媒妁絕徙倚當軒轅對面

不得語使我心忤忤忤皇睿智性生臨朝或有糾奏或  
曾不構思惜近昵蠱惑而  
忠直之士阻而不得通也

海水或可量人心難相知忠言決肺腑寧知非見欺盡  
力全關中白首被執羈褫尸歸瘴海蕙茨生猜疑竭來  
兩賢臣遭逢明盛時功成尚如此他人安足嗤緬邈懷  
古人垂衣歎臣隣上有堯舜君下有臯夔臣

嫋嫋松上蘿蔓延何極已白露疑爲霜萎黃此焉始八  
百石胡樹五十里錦障意氣動風雲豪華凌將相一朝  
斃斧鉞忽若流塵滅天道有變遷誰能不銷歇大海下  
江河所以成其多君看累碁者一傾當柰何



卧病人事絕秋光淡雙扉悠悠念往事矍然知昔非非  
非與是是昭判吾誰欺吾心亦何物有此靈妙機信哉  
有天命及此當無違

湛湛湖中水濯濯明芙蕖關關對鳴鳩洋洋雙鯉魚步  
屨隨薰風欲去還躊躇頃臾兩王童飄飄來太虛授我  
以丹砂啓我以靈樞渺然殊自失便欲登雲車萬物各  
有適悟徹焉所拘游方遺外內何須辭故廬

簡余子華太史

西北危堂懽飛薨薄雲霄繡戶瑯房櫳雙燕來遊遨燕  
飛何澁澁竒音振林臯含泥殊未已秋風尾脩脩尾脩

何足歎去去傷徒勞風雨日夜急嗚呼怨漂搖歛翼蓬蒿下舉頭雲漢遙安得逢陽春雙飛完故巢

鐵柯

爲刑部尚書劉公典清賦三首

有生同百卉百卉金所刑金剛不可觸我獨全其精在地有完質於天無廢興告君如不信歲晚聽風聲嚴霜降昨夜蕭條桃李蹊崢嶸壯林壑愛此青松枝貞心豈物化勁節由天奇終焉順性命安用如脂韋鐵以九鍊剛茲物迺天賦况復多歲年飽歷霜與露層霄獨參橫四時自貞固氣質元不同藤蘿免攀附

迎春 六首

日月遞升降陰陽互推移陰陽各異致平均迺其歸君  
看至蹟裏象數無偏奇凝寒既以極冉冉生春暉庶形  
自終始誰能測其機蒼天不自言知天一何希

君子先大身達人貴知志勲名照千古事業在未試君  
看梁父吟已有殷周思條風發青陽生態正幽閼當其  
煖燁時已復非春意王不生璞中誰明卞和氏

去冬大江南積雪平茅屋經年理絲者褐短不掩腹誰  
見貂裘子環爐泛醺醪一飲千黃金棄置統與穀沉思  
終未夜感歎淚盈掬青春獲我心暖氣先窮谷

離離過庭鴈南飛豈無方我有尺素書殷勤待汝將四

體吾不勤不能藝稻梁徒使六齡弟嬉戲娛高堂歸期  
常恐晏逢春意徬徨亦有庭中草依依戀春陽

一春復一春人惟百歲期念茲日斯邁行道胡遲遲百  
里半九十我行今有幾叶來茲苟不勉逝者何可追焉  
見羲和子及汝偕徘徊

閉門終日坐不知天地春鴻鈞一以動百物相鮮新憶  
昨凋落時梅李各有仁如今發生氣亦復資絪縕太和  
絕渣滓太虛無私親達人均四海愚者分比隣嗟子二  
三友歡會當及辰我有一尊酒可以陶吾真

遊方廣寺簡介溪嚴太史

寺在衡嶽足未張  
二先生嘗遊味於此

勝會臻名流奇探極幽數但否方廣真不問崕蹊陡越  
險猜松喬躋危病賁黝巘絕疑天低阬深詫坤厚陰風  
潑地寒清谿掛崕吼燕石晴復飛虬藤凍還走羣峰角  
低昂亂石相牝牡獲勝古所歡行疲君莫咎君看廢寺  
中釜塵僧骨朽朱張獨何人志勇名斯久

秋懷八首

寒林已踈影月光偏獨新金波湛六合閨秋勝閨春庭  
桂靄餘馥絡緯如訴人人生百年內行樂須及辰惜無  
一尊酒負此東西隣

歸田已涉歲三逕猶自荒萋萋草露泫裔裔臯蘭芳時

違意不展路阻心更長豫且但肉眼寧予昔何狂風雲  
一相失悲哉楚靈王

寒砧催木葉悠悠南國思鷓鴣暮啁啾烏鵲寒無枝悲  
來撫長鋏霜鋒白差差蟄虫已咸俯蛟鱷將安之

微風不颭水凉月忽在林瑤空滌清漢萬籟無餘音踈  
星耿平野露華凉蒲襟坐此澄心境無勞瞽御箴

生來不飲酒一酌已深醉况茲秋夜長氣清不成寐庭  
柯欲凋黃野草忽改翠藤蔓空百尋迎風見輕脆烏獲  
輕千鈞首陽甘困悴苟非松柏性何以禦寒歲

秋水日東逝向若翻自迷鸞鳩榆枋下仰笑鷓鴣飛往

往羣動間小知疑大知所以莊周子默懷惠施  
冥鴻一聲唳南國知秋期臨風搔鬢歲月應已遲青  
霄渥沆瀣一吸清詩脾因之骨輕飄然歷無涯翱翔  
闔風巔回攀若木枝一掃空羣陰顧命和與羲揮筆肅  
造父撰轡辭瑤池清暉散八表杲杲吾何私

甬東佳山水秋空映澄鮮橫經坐終日冉冉驚歲年寓  
形千古後游神混沌先世變亦飽歷超然契幽玄心探  
非象測得魚自忘筌宣尼久不作誰哉三絕編

樓外鵲巢始成

當樓烏桕樹高可五丈餘乾鴻來經此晨夕看拮据不

待施斧鑿又不事采樵驚鷗菑木撼孤懸常晏如歸棲  
何疆疆戢左右復舒豈徒睦中冓亦以防外虞宇中萬  
么麼物物各有居蕩子行不返使我淚盈裾

### 苦雨

孟夏迺淫雨朱光轉淒其出門泥淖深平疇漫成池雨  
龍一離屈癡雲挾激嬉淫浮翳空下滔滔無厭期靈湫  
寄大頂蛭蟪鳴其涯風波倘失據危艤當告誰梭懸雖  
復奮魚服終堪疑吁嗟望歲心閔閔誰能知

### 種樹

螺螄尚思後狼顧憂坎軻種樹不植根棄置山之阿商



山登無人王侯日姘姁臨風戢羽翼空傳紫芝歌黃金  
置大道廉夫議揮戈當街一兔走擾擾將如何

贈通微子 二首

天地發殺機陰陽互爲居規中淨絲粟明照遺離未至  
道非心悟何由執熬樞智哉希夷子吾欲訪其廬  
芳草華玄陰榮華感銷落屈信遞相因達士貴早覺借  
問秦關車胡爲越山薄獨爲天下溪雄鷗兔相角

感興 二首

臯夔昔遭際磨歌切卿雲日月懸高名丘山比崇勲光  
華日復旦解慍流南薰生世苟不遇湮淪復誰云據梧

南軒下高槐覆青雲河清諒堪俟鳴鳥吾其聞

明王錄忠良鼎鍊酬明德世運一以遷有時榮藿食藿  
食非所榮清修表孤特如何昧目下勢利紛相射緹縉  
空十重下璞委荆棘矯矯皇甫規超然分玉石呼鄉問  
鴈門屣屣迎綏掖

灌蘭 五首

逸名入空谷戛然離垢氛有時俗客至臨流洗所聞劍  
動尚求匹鳥鳴猶索羣子性豈蹢躅中心獨殷殷披雲  
斬蕭艾汲井滋芳根黃磁對終日臭味誰如君

尋幽櫟斜山猗蘭揚紫莖采之忽盈把携歸植中庭晨

風挹瀟灑夕露看青熒無人亦自芳百草誰爭馨

昔人各有愛周蓮與陶菊羣花萬古內愛蘭予所獨磁  
斗足膏雨森森茁蒼玉清風來遠林高堂含幽馥幽馥  
日以揚翠葉日以長美人在何許結佩遙相望采芹尚  
堪獻況茲王國香

綽約若處子貞勁似壯士清幽類逸民雅艷如貴臣論  
姿合天府廼與衆草伍春香及秋色居然表明德明德  
不可忘置子庭中央

庭階晚色靜瓊芽如刻鏤老葉瘦且強掩映蒼苔幽援  
琴鼓清操渺然思浮丘浮丘宛如見清風俱邈悠

雨中觀桂

和王嘉興

巢居越江渚，忽傳仙桂歌。大山久不作，猗蘭詞欲磨。誦此感胃臆，跂望青山阿。懿彼月中種，移根託嘉禾。儵然滌塵滓，翠葉分瓊柯。八月露氣清，涼風收辟蘿。歡言挹幽馥，零雨其如何。

忠甫弟讀書墳廬詩以贈之

昔我初學文，村父領鄉薦。燈窓時誨我，亶亶不知倦。從此遂感激，辛勤絕游衍。微名嗣臚傳，弱冠登翰院。苦讀中秘書，晨昏三百遍。迂心耻雕蟲，夔龍夢常見。時違志未償，年大身轉殿。念爾令兄弟，端貞無畔援。少小吞五

車文成欵如電中心守謙冲天性耻矜衒世德君不聞  
家傳瑞蓮卷此瑞七十年再見楚萍縣德綬小民心名  
馨太史傳身勞賞不酬遺力或相禪矧我大父德皦潔  
如水霰常將漢魏文直赭唐人面父炆並相繩功名咸  
未展而我與而曹努力莫羈罣墳廬大如笠年荒缺修  
繕今子居其中志若不規便平疇碧水縈深樹黃鸝囀  
聊遠時俗氛熱割妻兒戀窺豹豈一斑視牛涸萬片業  
就名必揚人盡天廼見願厲下帷心竚視穿楊箭

詠懷 十首

大音復重陸碩果幾無餘鷹隼方厲疾鵠鳴聲已除凱

風吹百卉羸豕懷先虞有形必張弛幽氣皆吸噓居盈  
鮮不匱屈者爲善舒盛衰各有會吾惟執天樞

誰漉寒塘水飛霞亂明境落木還復榮幽花自相映白  
雀雙飛來清唳足吾聽引酒屬隣翁須辨貧非病君看  
岐路間徘徊焉所定百年幾吾身萬古一天命

升堂缺甘旨苴羞春盤一爲老萊戲相顧有餘歡姬  
旦功已卓曾參名亦完窮通雖異迹志業難殊觀

昔我登衡嶽始知天地寬祝融九千仞崢嶸角群靈其  
奮孰引權其奇孰鐫鑿其麗孰封埴其固孰結盤神工  
信武怒斧斤胡不剝六鰲大如何負戴能未安橫目滿

寰宇徒然恠攢屹苟知倚伏理六合棲毫端至人久不  
作吁嗟誰達觀

吾觀龍變化下上無留蹤豈若猿與獍銜巧樊繆中圯  
橋何孺子指顧轟雷風風塵一脫屣悠然從赤松

皇天立司牧庶府皆民曹文王服田功畢公釐東郊所  
以德化洽騶虞終鵲巢後人忽天命適已稱賢豪閭闔  
越胡貊州縣輕弁髦何恠墟里間年豐人未甞隨山乘  
四載指胼脛無毛未聞龍與夔對之容色驕日月八萬  
里一日一週遭天行復過之萬古無停橈豈爲考功簿  
上上書勤勞

大塊何所舉壙莽浮滄溟絲毫不自費舉世無爭能紛  
紛逞才技不如心內澄誰能競蝸角而以夸壘育素月  
墮清練陽春噓翠屏瑤空湛以寂萬化皆斯并

侵晨入城市日暮傍船歸城市非所樂去速來仍稀雞  
豚散郊牧客至相邀嬉問予寡生事然能息機種樹  
樹已長飯牛牛正肥

條風拂丘壑未碧何紆餘大藏一以啓八表橫鋪舒雖  
使萬野人益以千公輸摩天揚白刃刻斲其能如已悟  
隱生費言觀道集虛才高不自設知大偏如愚

伯王年五十盡悟平生非牧野杖黃鉞西山歌采薇一



身或自異億兆何由齊烏黑鵠自白不害冲天飛微虫  
祝以肖大治誰終睽君看萬形色玄同延其歸誰將夏  
虫智撓此衡氣機日星不偏昴終古瞻光輝

下峽

乘桴下三峽山水紛崢嶸支危擢虎豹逐駭奔蛟鯨灘  
聲混晴雨峰影淆晦明不見星月光但聞猿狖聲迢迢  
甬東路淒淒湘水情庭闈屬遙想魚鴈久沉冥緬懷易  
播人古道今誰并

十一月四日甲子泊桴松滋阻風雨

投沙既十載署蜀將再暮嚴楊久漠漠岷峨徒欽欽長

使歡憂隔迥與初心違戒舟黃陵灘繫桴枝江湄暮雨  
昏巫峽迴颺掣長旗逢漏妨夕寢薪窮罷晨炊豈疑世  
相棄實畏天方憐敝廬鄧江上遺編堪復登歲月未云  
暮義農應可期

葵軒五首

朱炎代青陽姚魏均寂寂當軒蜀葵花孤莖昂數尺薰  
風拂丘園羣芳爭紺碧從教百媚生何如一心赤

心赤不自蔽耿耿當朱曦扶桑幾千里吾與通精輝人  
情苦貌飾世路分多岐興言覓桃李桃李今安歸

安歸感冲抱濟世思大丹大丹今何在在我方寸間嗟

彼鉛汞客白首巢陰山傾陽有真性衛足何須言  
言觀錦綉叢坤裳燁而新灤露溥密葉虛庭絕歌塵采  
芝者誰子何處縻精神生當耀寰宇豈獨娛其身  
身在百不憂勁挺無妖妍亦有長丈陰炎空落庭前庭  
前蘭桂枝英王森後先清華未終極聽我葵軒篇

陳母貞節詩

有堂顏曰  
全齋二首

望望天目山松栢何青青嶙峋歲寒姿不受冰霜凌冰  
霜日夜急百卉無餘醒孤根託幽谷高標拂紫冥由來  
心性別苦節亦可貞

飄風振林臯孤蒼亦危止貞母懷百憂慙慙其子繼

畧燃松膏就日移竹几羽翼一以就橫飛日千里皖皖  
全懿堂無忘拮据始

觀心詩 二首

吾心即明廷治亂關勤惰荒迷百恠興飭勵羣良賀天  
府須自防金城豈難破懷居廼人後克已惟王佐戰戰  
復競競庶幾寡心過

明神在方寸上下通神祇曠然撤藩蔽毫髮誰能欺所  
以賢聖心兢兢常自持能爲百物主豈畏幽明窺日居  
與月諸萬古長光輝

寒夜獨坐書懷 三首

日月逝超忽百年已逾半寒宵不成眠攬衣出虛幔仰  
視雲漢高噫噫度雙鴈感此珠淚垂琴絃憶中斷  
圖書屹岡陵披閱逮更半華屋燦瑤空明月麗朱幔我  
本山林人翻身應羔鴈行當拔泰茅手剪藤蘿斷  
慈母踰八齡喜懼常居半尚書有公期無由侍幃幙新  
春擬爲懼炮羔復烹鴈子其寧爾心莫望鄉山斷

哭亡女

次前韻女  
名仲莊

吾女生不辰疾疢居強半端疑在深閤五日一開幔越  
水沉婺輝燕京孤奠鴈天平復天平悲來寸腸斷

哭亡兒

次前韻兒  
名子地

兒性似童烏年歲不登半每日偵爺還整容出房幔  
賓氣食牛隨兄步依鴈老我愁柰何天空碧山斷

出崇文門回望京城

白日耀金鑄青雲連雉堞赫赫

上帝命煌煌

太宗業

過開河五首

兄亡踰五年今日見茲土魂魄乎歸來歸來祔先祖  
兄魂應不死弟在合歸依西風颯然起不知誠是非  
悠悠旅中身抱恨常疾首歸當理歡顏爲君承父母

父母將問予開河作何狀我欲起視之涕下恐瞻望  
青燈耿孤舟傷心千萬里明月如有情忍與開河水

望濟寧分水處感傷亡兄

源泉從東來波流忽爲二本是同根生如何末分背

下邳懷古

我觀圯橋事留侯應亦迷幽明無異致興王有先幾沛  
公軒黃裔軒黃肇兵機寓言是黃石所以明端倪黃石  
本無彌明神寧有依葬埋亦何用但爲智者嘆

還家

家鄉幾年夢此日真還家還家驚別久况復歸路賒何

以娛高堂采采黃金花花容殊未老親顏亦方好

次韻答萬鹿園親家

四首

性天本無物神識良在茲達人不自昧昭曠通無涯雲  
駛詫月運舟行疑岍移人生擾擾中顛迷恒若斯泰宇  
一以定萬化無容思立命貴自我紛紛何所疑

昔我涉三峽直上峨眉山綿江及劍閣辛苦蜀道難有  
時發清興絕險得奇觀因之忘劇易超然失悲歡風塵  
日擾擾於予何所干空華眼不翳疲極心自閒此意誰  
省識說與惠施看

公物與私身人品分高下烈矣伊傳儔萬古馨談櫛萬



古同一心獨彼完無罅所以仁風流敷天被元化邈邈  
張子房炳幾終不差神龍有升潛時哉焉足訝

養知在寡慾知行本非二窮神出至誠鑿性由用智  
學棄智者無乃學智異不如都兩忘無棄無不棄古之  
善學者博約以爲至博以精厥修約以定厥慧所惡與  
與智溺志乃爲累虛心遜志間百慮歸一致

### 送倫白山祭酒之南京

倫子紹家學名聲天下傳精純楚厓壁濬潔岷山泉  
我來京師誦子完氣篇不盈有餘量機軸歲貞元至  
一以契萬象涵深淵酬世貴有術匡時定誰肩秘閣

寂寂坐春晝悠悠懷浴沂落花滿幽谷誰更趺然來故  
人昔言別別我城東陂詒我瓊玉鉤慙慙縈所思相思  
正無極相見忽有期千里鴻鵠志杳渺誰能知

送何汝瞻

青山澹無夢白日行人稀炎威動五月振策將安歸十  
年養毛鷗意欲冲天飛徘徊滯中路歲月忽已遲江臯  
歇梅雨修篁隱雙扉圖書插高架嘯歌聊自依流水可  
濯纓高岡堪振衣壯懷豈終負時至誰能違

送王宜學編修謫官三河驛

二首

悠悠天地間萬里亦人世人世無險夷所貴展心意况

子抗忠言投荒本非愧何事當別離使我心如醉豈爲  
兒女情徒滋生別淚收淚發狂歌傍人鮮能會明月懸  
高秋照我中心事

若花照四海靄靄凝浮陰揮之不可得憂心日欽欽嶺  
南多嘉樹隆冬見青林去去遠垢氛聊以澄煩襟綠衣  
無怨言白華多苦心願子崇明德永言終令音

近田吟

爲許子  
俱賦

堪輿在指掌千里始跬步賢哲炳幾先兢兢履其素妻  
孥苟無違蠻貊盡歸附念慮如不愆天地皆順助孰難  
於至易枉席有顛仆孰大於至微尊俎生仇怒蝸牛斃

高升夸父疲遠驚達哉松臯翁中庸以爲度攝心入毫  
芒邁績趾臯傳颯颯近田吟休休忘外慕賢嗣書諸紳  
篤近惟先務烈烈襄毅聲繩繩永無斁薦裝方寸間海  
宇資舍哺

病齋

稟氣元不虧省躬貴無疚胡爲末世士遽條不如醜  
矯惕長自營企彼病齋叟病病乃不病此意今誰有元精  
在臚間保之何可後一生如有大千秋將不朽願言分  
鍼石與子俱無咎

輓林毋王安人

皎皎天上月湛湛溪中水依依正相涵月落溪山裏山  
深不見月溪流動鳴咽疑寒凍爲冰日夜霑霜雪霜雪  
何足辭可以喻清潔

悠悠彼蒼天呼之竟無聞哀祈竭衷懷奪我席上珍悠  
悠彼蒼天亦若能憐予奪我席上珍遺我掌上珠掌珠  
日以輝我心亦以娛百年勵貞操千載安幽廬

張文定公四友亭集卷之三

張文定公四友亭集卷之四

五言古體

一百零三首

壽刑部尚書東湖屠公

二首

浮雲薄太虛一雨輒千里借問從何來自彼東湖水湖  
水何洋洋浮雲日騰翔濃陰一以布流塵息縱橫秋高  
萬木零雲歸湖水清猶有清風發可以濯我纓

濯纓臨高秋登彼千仞岡岡巒茂梧竹上有威鳳翔鳳  
飛戀丹穴遠寄天孫章松喬正在筵展誦聲浪浪此日  
臨上元東風動青陽青陽自茲始駐景東湖傍

識鵲噪

乙亥三月二日己未有鵲入大于廳事之座上喳喳  
而噪頃之乃去予時不聞庭闢音信已及半年日夕  
皇皇不能自寧俗傳鵲能報喜識瑞氣或者其然耶  
喜而賦之

乙亥歲三月有鵲喳我堂天南鶴髮親日夕遙相望音  
塵遠半載跂望浮雲翔雲中有來鴻所謀在稻粱空有  
雙羽翰涉歷關塞長慘慘終永日丹衷徹寄蒼乾鵲爾  
何來太乙令汝將將我以佳音慰我以平康皇天無私  
親親仁乃其常願言保貞固福履綏無疆

陸佃云巢鵲  
取枝不取墮  
地故名乾鵲背  
太歲向太乙

送孫太史歸省

燕臺雙鳴鳳日集梧桐岡太者思將毋翱翔歸故鄉故鄉在何許路極恒山陽恒山何壯哉崢嶸切穹蒼翩然向天孫邀之登北堂酌彼銀河水舞我雲錦裳

范毋輓辭

四首

青青水中芹柔葉何鮮新采之欲誰薦昔日采芹人雲山何悠悠日色寒清秋鳴鶯竟何逝嘆息舊秦樓娟娟原上竹結翠南城阿飄風一摧折羣鳳其如何青春盛容色綠草揚光輝春歸不復返含情正依依

東閣觀梅圖



幽閣起流盼忽驚詩債通玄天久沉寐長風東群枯王  
人從何來應是東皇巫分明發意態欲以言倡吾倡吾  
而不和孰與天爲徒

雲溪道中

披星雲溪道悠悠向巴陵暮標率我幃寒風吹我纓憶  
昨初降霜奄忽成堅冰朱陽闕玄陰百卉具已零陽春  
何邈悠感歎徒相仍

暮雲館

悠悠長沙道同雲正迷津凍滑山磴危僕夫何苦辛停  
車欲相勞嚴風絙吾唇豈無滄滌沈觸寒膚自難前投

暮雲館幸此館吏懃山中不畜炭爲我燒柞薪

遵教堂

爲衡陽王題三首

風雲妙變態日月揚光明玄天默不言至理燦以呈吾  
身同造化昧者私其形兢兢履繩尺庶與天俱行  
先王修大道禮樂何洋洋宣尼筆之經萬古昭綱常涵  
泳窮日夕源泉浩無疆誰知東平樂至今垂耿光  
皇明靖區宇乾坤配功德

祖訓傳宗藩世守咸無忒美哉

衡陽王如金亦如璧一朝

錫宸章千載承休跡

送別卷劉侍御還朝 二首

片月懸高秋明輝下江川江川正收潦飛霜肅岷嶓巍  
巍黃金宮青雲遶其偏流光應自牖四海望斯懸

皎皎冰玉姿青驄逝何速白筆懸皂囊中有親書牘牘  
上何所言三楚多民寔庶幾達

宸聰蒼生永綏祿

守愚子

淳風喪千古智巧生夸毗心勞日以拙舉動何蚩蚩哲  
人抱全璞去雄守其雌老子有遺訓所貴知不知誰知  
不知者乃是明先幾惜哉愚溪子悔悟復已遲

嚴介溪太史先宿衡山之南臺以詩速同登因

次韻

名山動佳興巧逢仙客船誰知十年別不斷三生緣馳  
車入東麓君已南臺眠明星燦群峰逸興流君前晨登  
半山亭暫席朝霞鮮天風生兩掖飄飄上層巔

祝融峰

危峰踰萬仞衆峰不敢並到此得大觀超然稱心境捫  
星或低頭望日不引領分明見圓儀恍惚凌倒影時月  
當坤陰霜林肅而靜雷池日夜乾雲雷殊未醒我欲回  
陽春叩此祝融頂

過分水舟行忽駭

南行直分水忽然舟若虛澄波泛木葉扁舟與之俱白  
雲漸以邇客懷漸以舒柳梢出明月斗酒聊獨娛

南旺 三首

明月大如斗隱映河邊柳况復是深秋光景非常有我  
欲一賞之荒村無美酒興逸不可酬嘯歌思良友

平湖漫浩浩長空共延袤况茲秋夜深氣清令人瘦波  
光動明月漁燈亂星宿襟懷灑以空俯仰迷宇宙轉恐  
路易適輕舟且淹逗

秋露熒熒沙渚明秋風嫋嫋波浪層蕪葭汀邊老漁父

點火船頭初放罾

送鄭文淵百戶還貴陽

瀾瀾灌江水依依游子情  
迢迢萬里歸獸錦明秋清  
復文與武橋梓相爲榮  
宗親遞招邀水木念所生  
門當雪梅白座有遺瓊  
青言淹越山蔽忽問沅江程  
孤雲拂湘竹寒風波洞庭  
去去香爐峰烟銷春日明

送柴光祿黼菴拜表之京

鳴禽草色變送子江之濔  
江水日東逝興言瞻北辰  
積李縞陰谷崇樾炫晴津  
知子是佳興揮毫軼飛塵  
五品歷三考列卿總一人心  
恬跡應滯論激名逾新  
軒星煥

榆翟清曦繞龍鱗稽首出掖垣回瞻青瑣頰青瑣別云  
久諫草復以陳平生不愛名翩翩實之賓三春渥雨露  
九重下絲綸還公清廟器稱此崑山珍

德州發棹述懷

時聞陸亞卿及南來者言前途多寇

束髮事京國白雲心悠悠丹誠達

天衷秋風理歸舟路逢南來人虺蛇盈道周畏途不可  
易躊躇且淹留高堂未承歡先恐遺之憂疾行無羽翼  
久住非良籌仰天稽夢卜撫已循謀猷載與命篙工掛  
席仍沂流庶幾荷天命終獲遂所謀

養性

爲楊軋伯賦三首

玄冬閑生態庭草敷春榮坐馳竟何益鷄豕長自營敬  
之復敬之無爲搖爾精請子窺無朕萬化皆斯并  
穹壤在曾臆哲人防細微青青椅桐樹斧斤在一揮風  
霜歲時改雨露日夜肥滋長殊未覺忽焉成十圍  
人心爛萬象譬彼秋陽昇如何行天龍甘爲螻蟻乘風  
波蕩衝激岐路紛縱橫吾愛楊子雲清淨以爲庭

書屏風

二首

甬水東北來它山會靈秀渺渺槎湖旁巍然見華構華  
構雖肇新家聲已云舊努力承箕裘末言昌我後

林深白日靜書聲出雲蘿名門久崇德英賢一何多綿



綿南軒澤孰更揚其波進修如匪懈令名長不磨

雨後過東鄉卽事

盆浦收夜雷老龍仍卧矣雨色生夏寒晨風薄羅綺携  
舟向遠山村店類屋市波恬若鋪席倚篷如隱几擢擢  
江柳長森森塚松穉新苗刺平疇麥秀曠盈視樹覆川  
更幽鳥呼雲欲起鳬鷺自浮沉岡壑漫推倚憶昨游全  
荆歲馳千萬里衡山五方嶽洞庭天下水吾鄉此山川  
小大非倫擬幽事亦不稀觸目總玄理滄溟在東南茫  
洋大無比有興欲乘桴誰爲由也喜

次惟靜林韻

三首

茅堂對東壁遠天明黛額渺然思丹砂何勞歌白石岼  
柳生微風池荷弄圓碧中庭闌無人明月暫嘉客招邀  
不成眠對酒忽心傷焉得假流光乘之登大液

吾廬傍東溟萬里一片月羣仙或來過散風如飛雪長  
空杳靄中到處笙歌發盧敖於下界悵望清影沒輕駕  
思暫停長風吹未歇北海與南山瞬息一飛越崔嵬閬  
風顛恣意覽奇絕

絕代有佳人瓊樓坐秋月綽約似春華皎潔如冰雪我  
欲往從之緘情待明發附書與冥鴻一舉浮雲沒日月  
逝居諸芳華未衰歇吹簫過秦樓清聲四飛越感彼美

人心恩情豈中絕

贈蒿渚三首

燕京昔多難游子悲無依驚飈亂雲物千里何悽悽  
歡言會知己知己各有懷促席不敢道燈燭寒無輝  
嫋嫋洞庭風飄飄吹客衣悵望蒼梧雲送別雙明妃

仲蔚歸空谷蒿萊常滿門路迷衆所笑時去道猶存  
夫子秉明德名聲天下聞軒車枉蓬蓽竟日高世論  
孤悶一以破洒然離俗氛願爲雙黃鵠奮翅入崑崙

世路多繩墨顧忌生煩難何當匡濟才滯滯江湖間  
埋玉豈云貴積薪良足歎安得萬仞梯致子青雲端

游雪竇山寺次李貳守高渚韻十首

妙高臺

長空混溟渤中大青芙蓉群仙日往來飄忽無留踪鶴  
唳九臯月鳳鳴千仞峰誰哉識大雅吾欲磨黃鍾

藤龕

南山邃而寂蒼虬結幽龕烟霞冷錫鉢昏曉飛優曇龍  
過老松窟猿吟秋草菴欲別大顛去江村無盂簪

含珠林

翠屏四面繞中有一拳石團圓類明珠寒光肅松栢星  
搖湛露輝雲護驪龍宅緬懷神功初戮力運刀尺

錦鏡池

澄鏡長不磨芳春照雲錦泉聲隔歔塵文章絢諸品幽  
事須亟尋佳期莫中寢俯窺毛髮新且試鯨鯢飲

石竇

石竇深窈冥石髓日夜泄誰能五百年一待神山裂四  
時含風雲六月洒冰雪異哉顙蒙初鑿此混沌穴

千丈巖

君侯陟層巖文焰五千丈高吟半空中松風振餘響奇  
標海東隅萬古一鑑賞慙予未躋攀無事成鞅掌

瀑布泉

翠壁倚無朕白龍垂杪巔下澗三千尺流沫爲玄泉清  
噴領珠疾影搖鱗甲偏感彼隆中卧長吟梁父篇

御書亭

雪山本奇勝不減諸名嶽乃生甬東隅千載成濶落帝  
夢昭神靈宸章表丘壑雖非釣天遊殊勝巫山樂

桃花坑

披雲入深谷朱巖粲桃花恐迷昔來路遽拾丹爐砂海  
上安期生邀我飯胡麻飯罷忽不見吹簫入紫霞

龍隱潭

幽潭龍所居乃是造化窟氣侵毛骨寒勢恐風雷發碧

海通玄源青山聳雙闕大旱思雲霓高飛噴溟渤

贈陳天游京兆致仕

炎氛布南紀吳船發長干清尊坐亭午執手興浩歎  
敬皇昔臨軒與子俱彈冠風塵忽異域欲見嗟無端  
忽二十載此地重追歡雙鬢未云素寸心常自丹八  
澤云溥三吳名復完胡爲別我去曾不少盤桓淳風  
頽喪世路多結盤百里半九十慎終良獨難驅車戒  
路回舟當急湍紛華豈不愛哲人能蚤拌悠悠嶺頭  
清陰落冰純故山一以憇六月枕榔寒我亦久林壑  
爾羈樊垣黃鵠真自舉垂天瞻羽翰

送牛西塘太常致仕

風塵二十載睽離一何多會合今幾日臨岐將柰何相  
知既以晚相去忽以遠飛雲澗水西望望心悽惋沉沙  
雙鷗鷁牛斗栖精輝予其寧爾心親交良不稀

送陳思慎之上思州二首

雨足江水深輕雲翳天末徘徊黃金臺悠悠望南粵長  
劍光陸離夾以雙明月清薰行素秋慷慨辭鳳闕少小  
懷赤心敷施逮綠髮飛蕭墮颯烟銅柱表勲伐行矣莫  
復疑桑蓬志方烈

念子抱奇璞磊砢荆山林遲遲白日晚銀魚新曳腰悠



悠萬里道齋烟漲林臯邕溪遶洪崖水寒風蕭蕭德感  
豚魚應志堅金石銷戴天無異域雕題亦同胞君看鬱  
林石千載獨嶠峤

送張蒙泉上舍還天台

寒林曉色靜游子信南征紋峯漾晴彩踈松暢鴻敷別  
家既二載歸筇惟一經瞻雲北都思倚門南國情知子  
不可留執手心怵怵天台控三島石脉通四明况復鴈  
蕩山崢嶸連赤城將呼赤松子并拉安期生太宇月為  
燭天衢雲作輶相期弄瀑布周游下蓬瀛

萬鹿園詩來語極警策而有禪意次韻答之

空山屏人事頓悟良易能法寶稱獨朗聊以娛心膺枯  
勝掛槁木春陽焉所憑骨肉委風波我獨私其輦雖云  
登彼岝回首能無慙滲漏孰大焉奚取心內澄昊天曠  
以遠纖微捐棄曾

性天合下徹萬古讓生知下焉趨捷徑終恐碍敷施精  
義極利用優游俟其時超然悟神化萬物皆吾斯神通  
遺耳目何咲生有涯舉一以廢百區區焉足終當立  
無朕與子觀密移

賀戴龍山陞右都御史

十首

中興啓

皇運山川出膏雲寰中傳巖雨淋漓慰

明君

右一

明君堯舜心軫懷在長治簡茲不世才歷彼諸難試

右二

歷試週朔南所過垂渥洽物阜民以熙闕聲四鐘磬

右三

鐘磬聞

九重天顏爲之怡曰予貞亮臣宜畀詳刑司

右四

詳刑天下平兢兢執邦憲法意析秋毫戴胄乃重見

右五

重見維詳刑蘇公敬由嶽國脉緣以長民命賴以續

右六

以續古休績寄階屹衝津連章奪衆魄獨坐歆朝紳

右七

朝紳正傾情朝章方盛行吾維秉精白而以酬

聖明右八

聖明篤賢良法星炳中外淺薄何取營遙瞻在江介

右九

江介當塵清山園碧樹明堯天倚鰲極祈公執樞衡

右十

礪齋卷

爲易氏題

精金蝕埃土自脩良苦難君心匪金石磨礪殊獨完朝  
磨虹霓吐夕磨星月寒亦有不磨者磨出當試看

陸子淵太史見許端硯既久不至詩戲促之

端友期不至客卿殊養養風宇與瓜形時時入心想今

日復不來終當呼象罔

莊子象罔可以得之

次日子淵致硯因示和章疊前韻謝之

二首

妙質剛且溫於茲見完養是然登我筵慰我無涯想終  
當翰墨場朝夕挹儀象

精純本天成安靜夙所養蛟龍隱澄潭雲霓劇群想妙  
用人未知一揮摹萬象

題殷近夫扇面

夢茲手中扇皎皎冰玉姿清風動愈出不受緇塵欺與  
物本無係卷舒惟所宜君看大化運開闔亦有時萬類  
盈其間誰非息相吹陰陽互消長乘化詎能違清秋歇  
淫雨涼飈颭然來棄置莫復怨春陽豈無期

巢雲二首

隱抑懷高蹤其人邈難見云在太湖邊湖水淨如練  
溯洄欲從之雲深不可辨

渺渺湖上雲水清雲亦白羨彼鳥高飛爰來寄幽跡  
長嘯人不聞天風吹虛碧

壽裴少參先生

四首

行行涉春江梅花照江渚折梅欲何爲言贈美君子  
君子全令德清馨此堪比薦之當玳筵不醉應無已  
無已燕終日歡娛殊未闌坐看九苞羽戲舞屏帷間  
昔本霄漢身倦游歸雲山雲山有靈芝聊以駐芳顏

芳顏不渝舊花甲適已週已週還復始新陽動天休  
竭

來路傍人福履焉可求犧尊薦清廟王瓚承黃流  
黃流在王瓚挹彼還注茲可以娛佳賓沉醉春風時借  
問醉者誰松喬與安期邀我歸春曲嗣彼閔宮詩

舟次潞河讀姚吏部贈別之作

朝辭國都門夕弭河西節悠悠碧霄間逝矣黃金闌君  
恩如海深十年脫吾褐肉食分大官玉堂置清列涓埃  
曾未傾瞬息遠離別金緋非我榮湖山非世悅人生各  
有懷欲吐難爲說懷哉故人心鑑我如秋月

送張賢萃尹豐邑

二首

與君昔年少展步凌浮埃于今十五載中路胡徘徊慙

慨論平生一飲傾千巵他時動相憶夜月臨秦臺  
秦臺久不雨黃塵何漠漠我昔經其隈東瞻淚盈掬浮  
雲正南征赤地看優渥寒當雨之衣飢當雨之粟

送張君用之鶴慶

二首

燕臺一尊酒送爾滇南行風塵萬餘里極目難爲情故  
人倏以散落日玄蟬鳴曾無別離色可以觀平生  
平生奮英志手翻天漢濤携予過蟾窟王女相招邀君  
今守荒裔荒裔非迢遙不見九臯鶴鳴聲切雲霄

壽瀛西遺菴翁

二首

羣仙瀛水東獨居瀛水西瀛水曠如許羣仙無我違寸



心秉明德萬事皆相遺唯餘一尊酒日與韓衆期  
雲羅遍寰中翁心自超世濯足臨江流江流淨無翳烈  
烈太史聲東床最當意他年采逸迹詎肯遺高致

壽維揚學稼翁八十

二首

浮雲澹清虛夢此澄江曲結屋臨平疇油油長新綠豈  
不榮高軒高軒帶傾覆貞脆本由人保真以爲福  
庭柯日夜長瓊玉何輝輝顧盼娛心意江光澹雙扉羣  
仙列上座霽日開烟霏媚此小春景歲歲期無違

常州羅同知禦寇有功郡民圖江山贈之爲題

卷後

毘陵奇山水形勝天下絕况復烟樹中時弭賢侯節仕  
久騰清謠時來見英烈氣與列山雄名隨大江歌

送田太常致仕

清班歷三朝明禋綏百神厚德荷天眷龐眉瞻老臣天  
街麗遲日忽憶鄉園春鄉園亦伊邇雨露仍津津

白崇之都閫以乃弟輔之都憲五十初度屬予

詩以寄情

良時具尊酒默默懷遠人伊人在何許路隔長江濱鬢  
髮云已艾更值懸弧晨懸弧志四方况有好音塵音塵  
每相慰姜被長生春鴻飛貴卿霄對床何足珍况復在

兩畿相去非參辰憶昔先大夫垂光尚紛綸願言懷遠  
樹莫負平生親

輓復清王先生

流光日代謝苒苒迷風塵興言媚泉石泉石何無人懷  
哉復清子抱玉甘沉淪跂彼陶靖節千秋乃相因高風  
迥難得惻愴霑衣巾

宿青岡館

驅馬登高岡繁藤控佳樹佳樹有標枝翹然在高處世  
路多險巇人情輕毀譽愚者長戚咨達人免憂懼外道  
吾不謀由天孰能慮中襟洒以空浮雲任來去佳館當

幽吟松篁鬱成趣明月兮飛來與子成良遇

客館夜雨不寐

客子懷英皇蒼梧在何許況此當仲春淒風動簷宇悠  
悠萬里道獨繫清江渚相逢未有期誰能安寢處愧非  
王子喬凌風以輕舉曼曼寒夜長默默無誰語耿耿天  
下心浪浪枕邊雨

孟望之解官予過德安悵然有感

冉冉江上蕪迢迢信陽陌故人在何許夢想見容色竭  
來郢城東睨望感今昔念昔各何爲譬彼遠行客一日  
或千里三年岐路側人生百年身昇折竟何益黃鵠凌

青霄驚駘伏槽櫪沉思厚我顏慨歎傷胸臆

平寬卷

爲方伯周公賡

先生熟麟經仁心希大造秋曹執刑殺春生乃其好幽  
崖積冥凌白日倏以照勲聲匪無疆子姓看有造于門  
察先祥瀧阡昭後報慎哉作元命毋使迷天道

雙壁合巖

北瞻蠡吾墟悲彼原上哀身單子復幼道遠不可求秋  
風淒洞房有恨彌山丘留庄與桐湖宿草仍幾抽飛魂  
各千里悵望空悠悠賢孫秉仁孝誓言獲所訊荒榛指  
孤塚明神與之謀睽違百年身合壁眉山阨悲歡泣行

路零雨爲之收嗟嗟好古翁清才動名流時違身弗羸  
蘊久光自浮聲華振寰宇帝德沾松楸天道豈弗徵永  
言慰冥幽

輓都憲謝石坡 三首

今我胡戚戚所悲在人世 先皇正求舊耆臣忽而逝  
佳會不再逢蒼生竟誰恃三吳有遺碑千秋空墮泗  
石坡慘風色 天朝凋老臣遺書滿高架蘭桂日以新  
英英發奇秀廊廟資精神營營貯金者慎莫嗤陳人  
人生宇宙內百年常不盈生來苦不早前輩倏以零形  
容不可接接者惟風聲風聲正相感惻愴傷人情此情

匪私作我歌良足聽

奉和叔父生日感懷詩韻

庚辰二月朏春水四郊足登堂酌如渑共祝如同福素  
髮明華筵新詩軼塵俗青鳥誰與期翩然下林麓晨霞  
近堪絮石髓香可粥庭桂已秋芳堦蘭更春育雄談極  
懸河清風動盈掬藝苑才不雙雲山步應獨慚予久殊  
方東歸暫休役喜及懸弧晨添籌傳海屋憶昔韶齡年  
燈窓勞課讀謀道違夙心登名忝芳錄酬恩未有由監  
我如秉燭賡詩擬臺萊庶用展心曲

輓傅公三首

洞庭蓄膏潤原泉生岳麓汪汪注平疇英英長瓊玉  
瓊玉本殊姿秀比珊瑚枝廟堂已登用燁矣人人奇  
泉流不可竭淒風動悲咽猶餘明素心千載寒秋月

文場雅會

大道本無迹人心非有岐意氣苟相合往往成佳期而  
况海內士鎔冶均吾師簪盍符夙想樂事逢新知皇皇  
原上花楚楚堂前儀願言崇明德今聞未無虧

詠懷

五首

六月行負薪披裘膚亦完黃金輕脫屣壯士別有顏刀  
雖競商賈夷齊餓西山悠悠遯人世遠者盈百年溫飽



亦有死屢空何足患

園形無巨細方寸函明神達人均四海愚者分比鄰今  
我敝行役戚戚何所因精衛豈不勞襪線空復紉慨然  
念前古悠悠愴心魂姬旦陳休卜成王薦明禋隆平八  
百載豈惜勞一身

尋陵歇鳴雨落日樓船過回瞻姊歸山淚爲湘纍墮湘  
水千尺深湘纍萬年卧烏雌久不分調高每希和月明  
水氣涼坐讀招魂些

昨登正當峯超然竝箕丰因之得大觀藩籬忽而割吾  
生本無涯所貴心不疲跼蹐祗自勞紛華竟何有風生

越凍紋雨空明鏡垢已矣歸去來毋使心常哀  
嗟嗟楊子雲耿秉人莫知草玄譏尚白作賦徒瑰奇人  
生各有懷自信乃不迷鵬飛入霄漢斥鷃紛相嗤物情  
固如此眼底何足疑知音應有作千秋以爲期

奉寄伯兄

忽忽歲云暮春光泄梅王到此宜歸時何堪離骨肉尊  
鱸吾不思聲利吾不欲恩義不可忘鄉心雲相逐思鄉  
苦其遠行程欲其速行速家更遠寸情係南北

秋懷十二韻

寄沈克通  
克藏男舅

半載役塵途恒驚離索久歸來覽景物秋光入郊數風

急鳴敗蘆露重歌殘柳寒蟬時一聲凍蝶尚尋友百感  
沸我懷世態知無有得閑理牙籤書棚蠹魚走湛盧有  
斗文時拭不侵垢莊周豈無言恩施今在否所以宮混  
商田巴括其口升沉未可期輿情任紛糾唧唧垂在壁  
皎皎月當牖美人期不來慵酌樽中酒